

plangent unigenitum & primogenitum Dominum Jesum, de quo dixerunt, Sanguis ejus super nos & super filios nostros. In David regia tribus accipitur, hoc est, Juda: In Nathan prophetalis ordo describitur: Levi refertur ad sacerdotes, ex quo ortum est Sacerdotium: In Semei doctores accipiuntur, ex hac enim tribu magistrorum agmina pullularunt. Reliquas tribus tacuit, quae non habent aliquod privilegium dignitatis. In eo autem, quod ait, Omnes tribus reliquae, tribus & tribus seorsum, & uxores eorum seorsum, universas absque nomine comprehendit.

Cum ergo Josiam Israëlitæ adeo planxerint, eccur nos quis à plangendo JESU prohibeat? Ille erat Josias appellatione & vocamine; hic est JESUS efficaciam & juvamine: Ille erat rex corporalis & particularis; hic spiritualis & universalis: Ille fuit piensissimus & prudentissimus; hic sanctitas & sapientia ipsa: Ille poterat se subducere proelii periculo, sed noluit; hic passus est, quia voluit. Quemadmodum itaque ad tempus luctus de illo quotannis, quasi anniversaria parentatione, fuit repetitus; pariter & potiori causa memoria passi Domini quotannis à nobis Christianis recolitur atque iteratur. Plorent itaque Reges, quia Rex regum & Dominus dominantium in cruce obiit: Plorent Sacerdotes, quia sacerdos secundum ordinem ἀγενεαλόγητον Melchizedeki exspiravit: Plorent Duces, quia Dux invictissimus & moderator gentium fato concessit: Plorent Mercatores, quia margaritarum pretiosissimarum gemmarius absque mangonio tumulatus fuit sepulcrali faxo: Plorent divites æquè atque pauperes, quia omnium pariter ditissimus atque pauperimus mortuus est, pro nobis, quum dives ipse esset, factus egenus: Plorent agricola, quia in cruce velut testa exaruit industrius ille seminator, qui primò exhibat diluculo ad seminandum solum suum: plorent homines singuli atque universi, quia servivit singulis, ut universos lucraretur, pro universis effudit cruorem, ut singulos emundaret. Atque eò tetendit quater gemina parentatio sanctorum Evangelistarum, quibus dispositionem præbuerunt divini illi Rhetores Moyses atque

A 3

David